



KNATTSPYRNUSAMBAND ÍSLANDS

Aðildarfélög KSÍ
Formenn/framkvæmdastjórar

Reykjavík, 16. apríl 2014

Breytingar á reglugerð um aðgönguskírteini

Ágætu félagar
Á fundi stjórnar KSÍ 11. apríl samþykkti stjórn KSÍ eftirfarandi breytingar á reglugerðum KSÍ:

Reglugerð KSÍ um aðgönguskírteini

Reglugerðin í heild endurskoðuð og er ný reglugerð eftirfarandi:

1. gr.

Gerðir skírteina

1.1. Knattspyrnusamband Íslands gefur út eftirfarandi aðgönguskírteini, sem heimila ókeypis aðgang að knattspyrnuleikjum sem hér segir:

Aðgönguskírteini A, sem gildir á alla leiki.

Aðgönguskírteini DE, sem gildir á alla leiki.

Aðgönguskírteini PD, sem gildir á leiki í Pepsi-deild karla.

Aðgönguskírteini 1D, sem gildir á leiki í 1. deild karla.

Aðgönguskírteini 2D, sem gildir á leiki í 2. deild karla.

Aðgönguskírteini 3D, sem gildir á leiki í 3. deild karla

Aðgönguskírteini 4D, sem gildir á leiki í 4. deild karla

Aðgönguskírteini KV, sem gildir á leiki í Pepsi-deild kvenna.

Aðgönguskírteini 1KV, sem gildir á leiki í 1. deild kvenna.

Aðgönguskírteini F, sem gildir á alla leiki aðra en landsleiki

1.2. Knattspyrnusambandið skal halda skrá yfir útgefin aðgönguskírteini og skal hún aðgengileg aðildarfélögum.

1.3. Framkvæmdaraðili leiks getur krafist þess, að réttthafar skírteina sækji aðgöngumiða gegn framvísun skírteinis og gilda þá ekki aðgönguskírteinin sjálf. Slíkt fyrirkomulag skal auglýst í fjölmiðlum.

2.gr.

Rétthafar skírteina

- 2.1. Aðgönguskírteini A skal gefið út til formanna knattspyrnudeilda sem taka þátt í landsdeildum, stjórnar KSÍ og annarra aðila skv. ákvörðun knattspyrnusambandsins, alls að hámarki 200 skírteini
- 2.2. Aðgönguskírteini A DE skal jafnframt gefið út til eftirlitsmanna, lands-, héraðs- og unglíngadómarara, sem luku a.m.k. 15 störfum árið áður eða 20 störfum á undangengnum tveimur árum. Unglíngadómarar á fyrsta starfsári skulu þó fá aðgönguskírteini A að loknum 10 störfum.
- 2.3. Aðgönguskírteini sem gilda einungis á deildaleiki skal gefið út til leikmanna, starfsmanna og stjórnarmanna hvers félags, alls 35 skírteini á félag á leiki í viðkomandi deild.

Heimilt er að gefa út að auki allt að 20 skírteini (án myndar) til hvers félags í viðkomandi deild ef samkomulag er um slíkt milli allra félaga í viðkomandi deild.
- 2.4. Aðgönguskírteini F skal gefið út til fulltrúa fjölmiðla að fenginni umsögn frá Samtökum Íþróttafréttamanna í samræmi við nánari reglur þar um.

3.gr.

Notkun skírteina

- 3.1. Aðgönguskírteini gildir aðeins fyrir rétthafa þess. Aðeins skal gefa út eitt aðgönguskírteini á einstakling.
- 3.2. Misnotkun skírteinis getur haft í för með sér innköllun á því. Óheimilt er að gefa út önnur aðgönguskírteini, sem gilda um allt land, en um er getið í þessari reglugerð.

4.gr.

Útgáfa

- 4.1 Skrifstofa KSÍ annast útgáfu aðgönguskírteina í umboði KSÍ. Öll skírteini sem gefin eru út skulu vera með nafni rétthafa, ásamt mynd (sbr. þó ákvæði 2.3.) og raðnúmeri.
- 4.2 Félög skulu senda skrifstofu KSÍ nafnalista og myndir fyrir 1. maí ár hvert.
- 4.3 Skrifstofa KSÍ sér til þess að félög fái skrá yfir handhafa skírteina áður en mót hefst og að félögum sé send uppfærð skrá ef ný skírteini eru gefin út eftir að keppnistímabil hefst.
- 4.4 Framkvæmdastjórnar ÍTF og KSÍ hafa eftirlit með 4.1-4.3 og leggja fyrir stjórnir beggja félaga greinargerð um útgáfuna að loknu keppnistímabili.

5.gr.

Gildistaka

- 5.1. Reglugerð þessi er sett með stoð í 18. grein laga KSÍ og öðlast þegar gildi samkvæmt sömu grein. Við gildistöku hennar fellur úr gildi eldri reglugerð KSÍ um aðgönguskírteini.

Samþykkt af stjórn KSÍ 11. apríl 2014

Greinargerð:

Með breytingunum er reglugerðin einfölduð og eru m.a. sett ákvæði inn sem hafa verið framkvæmd, s.s. aukaskírteini fyrir deildir, auk þess sem aðgangsskírteini dómara og eftirlitsmanna eru ekki lengur A skírteini heldur eru þau auðkennd sérstaklega. Hámark er sett á útgáfu A skírteina og er gert ráð fyrir að listi yfir útgefin skírteini verði birt félögunum. Í samræmi við samþykkt ársþings í febrúar s.l. er ákvæði um að framkvæmdastjórar ÍTF og KSÍ hafi eftirlit með útgáfu skírteinanna og leggi fyrir stjórnir greinargerð um útgáfuna að loknu keppnistímabili.

Breytingarnar taka gildi nú þegar.

Ef frekari upplýsinga er óskað þá vinsamlegast hafið samband við undirritaðan.



Þórir Hákonarson
framkvæmdastjóri KSÍ